

AFG‘ONISTON O‘ZBEK TILI FONETIKASIDA TOVUSH TUSHISH HODISALARI

Feada Mohammad SAMADBEK

Tayanch Doktorant
Alisher Navoiy nomidagi
o‘zbek tili va adabiyoti Universiteti
Toshkent, O‘zbekiston
fada.mfada@gmail.com

Annotatsiya

Maqolada so‘zlarning Afg‘oniston o‘zbekchasidagi foydalanish shakllariga e‘tibor qaratildi. Bundan kuzlangan maqsad Afg‘oniston o‘zbek tilidagi tovush tushishining shakllanish holatlarini ko‘rsatishdir. Afg‘oniston o‘zbek tilida tovush tushishi mavzusi; adabiy asarlardan tanlangan matnlar asosida affiks, so‘z, ibora va gaplar darajasida tekshirildi.

Tayanch so‘zlar: Afg‘oniston o‘zbekchasi, tovush tushishi, yozma til, og‘zaki til.

СЛУЧАИ ВЫПАДЕНИЯ ЗВУКОВ В ФОНЕТИКЕ УЗБЕКСКОГО ЯЗЫКА В АФГАНИСТАНЕ

Феда Мохаммад САМАДБЕК

базовый докторант
Ташкентский государственный университет узбекского
языка и литературы имени Алишера Навои
Ташкент, Узбекистан
фада.мфада@гмаил.ком

Аннотация

В статье внимание акцентируется на использовании форм в узбекском языке Афганистана. Цель заключается в демонстрации формирования выпадения звуков в узбекском языке Афганистана. Тема выпадения звуков в узбекском языке Афганистана проверяется на основе текстов, выбранных из литературных произведений, на уровне аффикса, слов, фраз и предложений.

Ключевые слова: узбекский язык Афганистана, выпадение звука, письменный язык, устный язык.

“Bugungi kunda qo‘llanilayotgan jahon tillarida so‘zlash va yozila boshlangan davrdan beri turli sabablar orqali tovushlar, so‘zlar va gaplarda o‘zgarishlar bo‘lgan” [13; 133]. Katta ehtimol bilan, kelajakda ham dunyo tillarida farqli o‘zgarishlar bo‘ladi. Bu o‘zgarishlar diaxronik nuqtai nazardan fonologiya,

morfologiya, sintaksis va semantika kabi tilshunoslikning o'rganish sohalariga keradi. Dunyo bo'ylab og'zaki va yozma tillardagi tovush tushishi qo'llanishlar tovush va tuzilish jihatidan tekshirilganda, so'z yoki jumalarning o'tmishdan hozirgacha turli sabablar bilan qisqartirilib, qo'llanilgani aniq. Masalaga so'z darajasida qaraydigan bo'lsak, uzun bo'lgani uchun funkcionalligini yo'qotib boshqa so'z bilan almashtirilmagan; Aksincha, so'zning hosil bo'lishi yoki birikmasi paytida turli yo'llar bilan qisqartirilgan va ushbu so'zlar farqli shakllarda qo'llanishga davom etgan. Bu holat jahon tillarida mavjud bo'lgani qadar o'zbek tili uchun ham amal qiladi.

Qo'shimchalarda tovush tushishi. Afg'oniston o'zbek tilidagi qo'shimchalarda tovush tushishi mavzusiga ko'z tashlaganimizda, og'zaki nutqda har doim qarshilashilganidek yozma tilida ham ko'plab affiks tovush tushishi misollari mavjud. Tilshunoslar tillardagi turli fonetik naqshlarni foydalanish chastotasi bilan bog'laydilar va shuning uchun yozma yoki og'zaki tilda tez-tez ishlatiladigan tuzilmalardan ozgina kuch sarflanishini tavsiya qiladilar. Afg'oniston o'zbek tilida bu holatning eng yaxshi misollari qo'shma fe'l zamonlari bo'la oladi. Afg'oniston o'zbek tilida gap tarkibida qo'shma fe'l zamonlarining qiziq ishlatilishi, bu tuzilmalarda qo'shimcha tovush tushisining misollarini ko'paytirgan. misol uchun qo'shimchalarning qo'llanish shakliga ko'ra quyidagicha guruhlangan:

1-may, qo'shimchasida ko'rilgan tovush tushishi. Afg'oniston o'zbek tilida hozirgi zamon va yaqin kelasi zamon ma'nolarini o'z ichiga olgan zamon qo'shimchasining inkori – may, birinchi shaxs birlik kelishigida (*-may-man*) zamon qo'shimchasining oxiridagi “y” tovushi va kishi qo'shimchasining oxiridagi “-an” tovushi tushirilib (*-mam*) shaklida qo'llaniladi.

Ko'rguz + may + man > ko'rguzmam

سوز اینجوسی مینگه گنج و مقامیم فخر کنجی بس

لییب، اصلا اوگون منصبگه کورگوزمم تمایل من

So 'z injusi menga ganj u muqomim faxr kunji bas

Labib, aslan ugun mansabga ko 'rguzmam tamoyil man

bil + may + man > bilmam

Umrning bepoyon yo 'llari bo 'ylab,

Qaydadir jimgina tashlaymiz qadam.

Men-ku nimanidir yuribman kuylab,

Farzandim ko 'nglida nelar bor, bilmam [11; 37].

2. O'tgan noaniq zamonda ko'rilgan tovush tushishi. Afg'oniston o'zbek tilida o'tgan noaniq zamonga tegishli *-gan* yoki *-(i) b* qo'shimchasini olgan bir fe'lga *e-* qo'shimchasi birlan birlikda o'tgan zamon *-di* qo'shimchasini qo'shish orqali hikoya qo'shma zamon yasaladi. Lekin qo'llanish misollari kam bo'lsa-da, ayrim hollarda *-e* fe'lining tushgani va *-di* zamon qo'shimchasining to'g'ridan-to'g'ri noaniq o'tgan zamon qo'shimchasiga qo'yilishi bilan *qil + gan e + di > qilgandi* kabi tuzilishi o'rta qiqqani ko'rilmoqda [12; 67].

O'tgan noaniq zamonida ko'rilgan tovush tushis misollar quyidagicha:

او خوددی قتیق تیش آغریققه دچار بولگن کیشی دیک، گاه چوکی سیگه اولتیرییب، گاه اورنیدن تورییب،
اویاق بویاققه یورردی.

U xuddi qattiq tish og'riqqa duchor go'lgan kishidek, goh chavkisiga o'ltirib, goh o'rnidan turib, uyoq buyoqqa yurardi.

Yangilar kelgandan keyin bu kulgilar, bu xil quvnoq suhbatlar barham topgandi [2;21].

اگر او بو بیرده بولسهیدی، یا که بشقلدهی پول – مول بیبهریب تورسهیدی، آنهنگ هیچ هم ایشگه بارمیدی.

Agar u bu yerda bo‘lsaydi, bashqaladay pul–mul yibarib tursaydi, onang hich ham ishga bormaydi.

3.Qaratqich kelishigi qo‘shimchasida ko‘rilgan tovush tushishi.

1.1. Kishilik olmoshlari bilan qo‘llanilganda ko‘rilgan tovush tushishi

Afg‘onistoniston o‘zbek tilida kishilik olmoshlariga navbati bilan qaratqich kelishigi qo‘shimchasi va egalik qo‘shimchasi qo‘shilganda qaratqich kelishigining boshidagi “n” va oxiridagi “ng” tovushi tushadi. Foydalanishning bu shakli asosan og‘zaki tilda uchraydi:

men + ning + ki + san > menikisan

sen + ning + ki + man > senikiman

sen + ning + ki > seniki

O‘zbek tilida 1 va 2-shaxs birlik (men, sen) olmoshlariga -ni, -niki qo‘shimchalaridan biri qo‘shilganda, qo‘shimchani boshidagi -n tovushi tushib qoladi:

men + ni > meni

men + ning > mening

men + niki > meniki

sen + ni > seni

sen + ning > sening

sen + niki > seniki

Bolaga qanchalak mexr-u e'tibor bersang, u o'shanchalik **seniki** bo'lur ekan [6;314].

Mayli, o'g'lim. O'sha yulduz seniki.

*Anavi to'rtinchisi **meniki** [9;5].*

1.2.Ot so'z birikmasi guruhlarida ko'rilgan tovush tushishi. Afg'oniston o'zbek tilida ot so'z birikmasining to'ldiruvchi qismini tashkil etuvchi birinchi bo'lakdagi 1 va 2-shaxs birlik olmoshlariga +ning qo'shimchasi qo'shilganda, qo'shimchanning boshida "n" undoshi og'zaki tilda bo'lganidek odatda yozuv tilda ham tushib qoladi.

men + ning uyim > mening uyim

اجازت بولسه اخلاص دن قولينگيزنى اوپى استاد

منينگ تاب و توانيمسيز سزين بير كورگهلى كيلديم

Ijzat bo'sa ixlosdan qo'lingizni o'pay ustod

Mening tob-u tavonimsiz sizin bir ko'rgali keldim

ترحم ايله بير ياريم سنينگ هجرينگده كويارمن

يوراك زخمينى قيل مرهم كيل اى جانان و شهبازيم

Tarahhum ayla bir yorim **sening** hijringda kuyorman

Yurak zaxmini qil marham kel ay jonon-u shagbozim

يوزينگديك گل آچيلمهيدير حمده،

سینینگدیک حور یوق هیچ بیر محلده.

Yuzingdek gul ochilmaydir hamalda,

Seningdek hur yo'q hich bir mahalda.

1.2. *Nisbiy qo'shimchasi bilan qo'llanganda tovush tushishi.* Umuman, o'zbek tilida +gi, +ki nisbiy affikslari qaratqich kelishigi qo'shimchasidan keyin qo'llanganda bu qo'shimchanning oxiridagi "ng" tovushi tushiriladi va bu ikki qo'shimcha –niki shaklini oladi:

mashina+ning+ki > mashinaniki

xotin+ning+ki > xotinniki

هه، بونی اساسی مزه سی سیزلرنیکیده بولمه گن پیشانه تیری و قول و تنه نی کوچی دیدیم.

Ha, buni asosiy mazzasi *sizlarnikida* bo'lmagan peshona teri va qo'l-u tanani kuchi dedim.

kim+ning+ki > kimniki

کیچکینتای بالهگینه چاینکنی قوز غهب بینه بیر یوزیکنی چیقاردی. "کیمنیکى دیر؟ قنى!.." دیب، سیسلر یوکسهلدى.

Kichkintoy bolagina choynakni qo'zg'ab yina bir yuzikni chiqordi.
"kimnikidir? qani!.." deb, seslar yuksaldi.

1.2. *Jo'nalish kelishigi qo'shimchasi bilan qo'llanganda tovush tushishi*

Afg'oniston o'zbek tilida -n undoshi bilan tugagan otdan keyin keladigan qaratqich kelishigi qo'shimchasi boshidagi "n" tovushi tushiriladi. Bunu bilan birga qaratqich kelishigi qo'shimchasidan keyin jo'nalish kelishigi qo'shimchasi kelganda, qaratqich kelishigi qo'shimchanning oxiridagi "g" tovushi ham tushib ketadi:

Jon + ning + ga > joninga

عشق اۆتيدېك جهانده اوزگه اوت يوق سوزناك

گر توشسه جانينگه، اورترايچ و تاشينگنى پاك...

Ishq o'tidek jahonda o'zga o't yo'q so'znok

Gar tutashsa *joninga*, o'rtar ich-u toshingni pok...

1.2. *O'zlik olmosh bilan kelganda tovush tushishi.* Afg'oniston O'zbek tilida egalik qo'shimchasi olgan o'zlik olmoshlari qaratqich kelishigi qo'shimchasiga nisbiy qo'shimchasi kelganda, egalik qo'shimchadagi "ng" tovushi tushiriladi:

$o'z + i + m + ning + ki > o'zimniki$

$o'z + i + ning + ki > o'ziniki$

هرقهيان بارهرديك و اوزدن فسانه توغديريب

اوزگه و بيگانه نى اوزيمينكى ديب يوغديريب

Har qayon borardik-u o'zdan fasona tug'dirib

O'zga-u begonani *o'zimniki* deb yug'dirib

شونده تاكسيچى مينگه باقيب، ديدى: بو گير موترنينگ اوزى نيكى ايمس. شو اوچون تيز بيريگه حركت
قيلميدى!

Shunda toksichi menga boqib, dedi: Bu ger mo'tarning *o'ziniki* emas. Shu uchun tez beriga harakat qilmaydi!

Afg'oniston o'zbek tilida leksemalarda kuzatilgan tovush tushishi holatlari

1. *So'z boshida ko'rilgan tovush tushishi*

O‘zbek tilida so‘z boshidagi unli yoki undoshlar og‘zaki nutqda ba‘zan tushib qoladi. Og‘zaki nutqda *yi-* tovushlari bilan boshlangan so‘zlarda “y” tovushi muntazam tushib turishi ko‘rinadi:

yirik > irik, yiroq > iroq

2. So‘z oxirida tovush tushishi

Ba'zi hollarda so'z oxiridagi undoshlar yozma tilda bo'lmasa ham, og'zaki tilda tushirilishi mumkin:

Kalaqand > kalaqan

Molband > molban

3. Sifatlarda ko‘rilgan tovush tushishi

3.1. So‘roq sifatlari da tovushu tushishi

qayuda > qayda “nerede”

qayudan > qaydan “nereden”

Qadimgi turkiy tilda *qayu+da* bo‘lgan so‘roq sifatda hozirgi Afg‘oniston o‘zbek tilida tor unlining tushishi bilan *qayda, qaydan* shaklini olgan.

کویدی باغریم اور تانیب وصلینگه یتمای ای قویاش

هجرینگه کوزدین توکوب قان قیده سن ای نازنین

Kuydi bog‘rim o‘rtonib vaslinga yetmod ay quyosh

Hijringa ko‘zdin to‘kub qon *qaydasan* ay nozanin

Yaxshimi, yomonmi, men *qaydan* bilay? [7;7].

qayu yer > qayer > qaer

Qadimgi turkiy tilida “*qaerda*” degan ma’noni anglatuvchi “*qayu*” so‘zi bilan “*joy*” so‘zi birikmasida, avval “*u*” unlisi keyin esa “*y*” undoshi talaffuzdan tushib ketgan va so‘z “*qaer*” shaklni olgan.

– ای بابا قهپیرلردهسن؟ هیچ خبری بیزدی هم آلمه‌یسن! دیدی او.

– Ey bobo *qaerlardasan*? Hich xabaribizdi ham olmaysan! Dedi u.

"نیمه دیدیز؟ کیمگه بیرگنلر سیزنی؟ سیزنی قهپیرگه آلیب کیتر ایکنلر؟ هه!..." دیب، بویاقه-بویاقه یوره-ویردی.

“Nima dediz? Kimga berganlar sizni? Sizni *qaerga* olib ketar ekanlar? Ha!...” deb, buyoqa-uyoqa yuraverdi.

3.2. *Son sifatlarida ko‘rilgan tovush tushishi*

ikki ov > ikkov

Afg‘oniston o‘zbek tilida jamlovchi son sifatdoshlarini hosil qiluvchi +*ov*, +*ovlon* qo‘shimchalari ikki, yetti kabi unli bilan tugagan sonlarga kelganda sonning oxiridagi -*i* unlisi tushiriladi. Yonma yon kelgan sondagi ikki undoshlardan birtasi yozuv tilida ko‘rsatilmaydi:

برچین‌آی‌نینگ‌ایکی‌اکه‌سی‌بار‌ایدی‌که‌ایکاولری‌کیت‌مه‌کیت‌اوروش‌ده‌هلاک‌بولدیلر‌و‌آنه‌سی‌غم‌–
قیغوگه‌باتیب،‌تینمه‌ی‌بیغلش‌لر‌و‌سیقیلیش‌لردن‌یوره‌ک‌کسلی‌گه‌چلیندی.

Barchinoyning ikki akasi bor ediki *ikkovlari* ketma-ket urushda halok bo‘ldilar va onasi g‘am-qayg‘uga botib, tinmay yig‘lashlar va siqilishlardan yurak kasaliga chalindi.

ikki+ala > ikkala

O‘zbek tilida *ikki, yetti* kabi son otlariga +*ala* qo‘shimchasi qo‘shilganda son sifatining ikkinchi bo‘g‘inidagi “*i*” unlisi tushib qoladi va *ikkala* shaklini o‘ziga oladi.

اوشه كوني توشده، **ايكلهميز** يخشى گينه كييىب، بيلكه مه-بيلكه جوره بوليب بيلگيلنگن رستورانته گه باردىك.

Usha kuni tushda, *ikkalamiz* yaxshigina kiyinib, yelkama-yelka jo‘ra bo‘lib belgilangan restoran bordik.

"...اوقى و تنبل كيشىلر هم تورهميزده و هم دينيميزده اوليك سنهلهدى. توغرى بير سوز!.." ديدى. **ايكله-**سى، سېهنينگ ديوارى اوستيدن تشلب قاچتى.

“... o‘qqi va tanbal kishilar ham to‘ramizda va ham dinimizda o‘lik sanaladi. To‘g‘ri bir so‘z!..” dedi. *Ikalasi* supaning devori ustidan tashlab qochti.

4. *Ikki vayo ko‘p bo‘g‘inli fe‘llarda ko‘rilgan tovush tushishi.* Hozirgi vaqtda o‘zbek turkiy tillarida bir bo‘g‘in sifatida qo‘llanilayotgan *art-*, *ayt-* kabi fe‘llar ikkinchi bo‘g‘indagi “*i*” unlisi tushib qolishi bilan bugungi kunda bir bo‘g‘inli shaklini o‘ziga olgan:

art- fe‘li qadimgi turkiy davrda “*toza*” ma‘nosidagi “*ar*” sifatdoshining *-it* qo‘shimchasi bilan “*tozalamoq*” ma‘nosida qo‘llanilayotganda keyingi davrlarda bu fe‘lning ikkinchi bo‘g‘inidagi “*i*” tovushining tushishi bilan birlikda *ar + it- > art-* shaklini olgan [4; 16].

شونده پايدو(گارسون)لردن بيرى تاپيلىب كىلدى. او، بيرينچيدن بيلكه سیدهگی كير صافیسى مینن میزدی
چقان ارتتى. كيين:

نیمه كیلتیرهی؟ دیب سورهدی.

Shunda poydav (gorsun)lardan biri topilib keldi. U, birinchidan yelkasidagi sofisi minan mezdi chaqqon *artti*. Keyin:

Nima keltiray? deb so‘radi.

Etagini ko‘tarib, uning burnini *artdi* [9;43].

Xuddi shunday, bugungi kunda *ayt-* shaklida qo‘llangan fe‘l eski turkiy davrda “*gaplashmoq*” ma‘nosini bildiruvchi *ay-* fe‘liga *-it* qo‘shimchasi keltirilishi bilan ayit shaklida qo‘llanilgach keyinchalik ikkinchi bo‘g‘indagi to‘g‘ri orqa unlining tushishi natijasida *ay- + it- > ayt-* shaklini olgan [4;16].

آه اوريب آيتدی که نی تور حال بو؟

بو نيچوک ذلت نيچوک احوال بو؟

Oh urib aytidi ki ne tur hol bu?

Bu nechuk zillat nechuk ahvol bu?

قيده بارسم سوره سم اول رازيني هر كيمده بار

نی قیلای اول ايتيبان رازين همه دل پاره من

Qayda borsam so‘rasam ul razini har kimda bor

Ne qiloy ul aytibon razin hama dilporaman

4. Bog‘lovchilarda ko‘rilgan tovush tushishi

agar > gar

O‘zbek tillarida *agar* bog‘lovchisining boshidagi “a” tovushi ba‘zan she‘riy tilda qo‘llanishdan chiqib ketadi. Afg‘oniston o‘zbek sha‘irlarning asarlarida ko‘proq ko‘rinadi.

ناز نينيم وصلی نی گر مينگه كورمه یسن روا

تینگری، سیندن ایسته گیم شو: جانیم آلگین ایرته راغ

Nozaninim vasli gar menga ko 'rmaysan ravo

Tengri, sendan istagim shu: jonim olgin ertarog'

گر سینی حقینگگه قیلسم مین جفا

اوندهمی اور دارگه یا کومگین، سوییب

Gar seni haqqingga qilsam jaf

Undamay ur dorga yo ko 'mgin, suyib

birlan > bilan

Butun o'zbek tilida *bir* so'ziga, otdan ot yasash +*la* qo'shimchasi va +*n* qo'shimchasini qo'shish orqali hosil bo'lgan *birlan* bog'lovchisida birinchi bo'g'in oxiridagi "r" tovushining tushishi bilan yasaladi.

بولمهسنگ خلقینگ بیلن بیر، یو قاقیشتیگی مدام

اوزنی اوستگه، آچ کوزینگنی توکمه یاش-قان اوز بیگیم

Bo 'lmasang xalqing bilan bir, yov qoqishtirgay mudom

O'zni ustga, och ko 'zingni to 'kma yosh-qon o 'zbekim.

عایلهده تورلی یاشدهگی سگیز باله و ایر-خاتین بیلن همهسی اون کیشی یشردیله. اون پارچه قاغاز اون کیشیگه ترقه تیلدی.

A'ylada turli yoshdagi sakkiz bola va er-xotin bilan hamasi o'n kishi yashardilar. O'n porcha qog'oz o'n kishiga tarqatildi.

Afg'oniston o'zbek tili so'z turkumlarida ko'ringan tovush tushishi

1. *Qo'shma fe'l tuzilmalaridagi tovush tushishi*

O‘zbek tilida *ol-* ko‘makchi fe‘li bilan yasalgan qo‘shma fe‘llarda fe‘l o‘zagi va negiziga qo‘shilgan *-a* qo‘shimchasi ayrim qo‘llanishlarda tushib qoladi. O‘zbek tili grammatika kitoblarida bu kamayishga eliziya deb ataladi [3;76]. Afg‘oniston o‘zbek tilida bunday foydalanish misollari:

bo‘l + a ol + may + man > bo‘lolmayman

او حالىگى التماس قىلگن كىشى گه مایوس آهنگده دیدى:

– برادر، اگر هر خیل یخشی – یمان حیوان دیسنگیز، قولیمن کیلهدی، بولهمن؛ بیراق فقط "آدم" بولیش قیین، بولالمه یمن...!!

U haligi iltimos qilgan kishiga mayus ohangda dedi:

– *Birodar, har xil yaxshi – yamon hayvon desangiz, qo‘limdan keladi, bo‘laman; biroq faqat “odam” bo‘lish qiyin, bo‘lolmayman...!!*

بیر آقشام دوستلریمیزدن بیرى تویگه خبر قیلگن ایدی. سالونده موزیک شونچهلیک بلند ایدی که حتی یانمه – یان اولتیرگنلر هم بیر – بیرلری نینگ سوزینی ایشیتالمسیدیلر.

Bir oqshom do‘stlarimizdan biri to‘yga xabar qilgan edi. Solunda muzik(zalda musiqa) shunchalik baland ediki hatto yonma-yon o‘ltirganlar ham bir-birlarining so‘zini *eshitolmasdilar*.

فقر دینگیزیدن چیقراقلمی هیهات!

کیم دیدی سیزگه بیلیم کیمه سینی آگه سورونگ

Faqr dengizidan chiqarolmay hayhot!

Kim dedi sizga bilim kimasini olga surung.

بوگونى خوش کیچیر، تانگله نیلر بولگهی، بیلیم بولمس،

بیلامه ی نقد قدرین، نسیه لرگه اینتیلیب بولمس.

Bugunni xo'sh kechir, tongla nelar bo'lgay, bilib bo'lmas,

Bilolmay naqd qadrin, nasyalarga intilib bo'lmas.

خواهلهگن ايشینگ نی قیلامی اینجیب

عایله اعضاسی سیال دیر ایندی

Xohlagan ishingni qilolay injib

oila a'zosi siyoldir(dushman) endi

2. *Qo'shma otlarda tovush tushishi*

bel bog'i > belbog'i > belbog'

Eshigimizga uvada to'nu chilvir belbog' bilan kelgan eding.

-Nima bilan chiqib ketdin? dedi Sidiqjon [Qahhor 1987, 90].

Qayin ona > qaynona

بايچه خاتون، برندهنينگ لبیده کورچه توشب اوستيگه قينانهسى نينگ قرهقل پوستهگيني توشب قويبيدى.
انه خاتون تشقردن کيلدى و حويليني بير ايلنگندن نرى باريب برندهده اوتيردى.

Boybacha xotun, barandaning labida ko'rpacha to'shab ustiga qaynonasining qaraqul po'stagini to'shab qo'ybedi. Ona xotun tashqaridan keldi va havilini bir aylangandan nari borib barandada o'tirdi.

Ini og'a > inog'a

Afg'oniston o'zbek adabiyotida ham yozuv tilda hamda og'zoki tilda qoshma otlardan bo'lgan va keng bir shaklda qullanilayotgan so'zlardan birtasi inog'a so'zidir.

چوپان، کيپنهگيني اوتلر اوستيگه توشب قرنىنى تويغزه آتبيدى. ضياء قُل باي نينگ ايناغهسى، پهلوان اکه ايدى او کيشى.

Cho‘pon, kepanagini o‘tlar ustiga to‘shab qarnini to‘yg‘azotbedi. Ziyo qul boyning inog‘asi, pahlavon aka edi o‘ kishi.

Mahkam tosh > mahkamtosh > makamtosh

بو سوزلر مەكتاش نىنىڭ كۈنگلىدە قندەي دىر قورقنىچ و اضطراب توغدىرىپ، قلىبىنى لىزەگە سالىدى. هر حالده، بوگون چىرايلىراق كىيىنىپ چىقىدى.

Bu so‘zlar makamtoshning ko‘nglida qandaydir qo‘rqinch va iztirob to‘g‘dirib, qalbini larzaga soldi. Harholda, bugun chiroyliroq kiyinib chiqdi.

Demak, bu tadqiqotda Afg‘oniston o‘zbek tilida kundalik so‘zlashuv tilida tez-tez uchrab turadigan va yozma tilda ham namunalari ko‘rilgan tovush tushish tuzilmalari aniqlanib tekshirildi. Afg‘oniston o‘zbek tilida aniqlangan tovush tushish misollari ko‘proq qo‘shimcha va so‘z darajasida uchraydi. Afg‘oniston o‘zbekchasida og‘zaki nutqda fonema va qo‘shimchalar darajasidagi kamayishlar yozma tilda tezda uchraydigan bir holatdir. So‘z darajasidagi kamayish misollarida sifatdosh, predlog va bog‘lovchi turidagi so‘zlar alohida-alohida berilmay, bir sarlavha ostida yig‘ilgandir. So‘z darajasida tovush tushishi asosan sifatlarda ko‘riladi. Undan keyin predloglar (Prepositions) keladi. Qo‘shma fe‘llarda “ol-, yot-, yubor-” ko‘makchi fe‘llari bilan yasalgan so‘z turkumlarida tovush tushishi uchraydi.

FOYDALANILGAN ADABIYOTLAR:

1. Аҳмад, Саид. Қирқ беш кун: роман. – Тошкент: Фафур Ғулум, 1975.
2. Аҳмад, С. Қорақўз Мажнун. – Тошкент: Сано-Стандарт, 2016.
3. Жамолхонов Н. Ҳозирги ўзбек адабий тили. – Тошкент: Талқин, 2005.
4. Раҳматуллаев Ш. Ўзбек тилининг этимологик луғати. – Тошкент: Университет, 2000.

5. Қахҳор, Абдулла. Қўшчинор чироқлари. – Тошкент: Ғафур Ғулом, 1987.
6. Қодиров П. Ҳумоюн ва Акбар. – Тошкент: Шарқ, 2009.
7. Қодирий, Абдулла. Ўткан кунлар. – Тошкент: Ғафур Ғулом, 1994.
8. Қодирий, Абдулла. Жинлар базми. – Тошкент: Чўлпон, 2004.
9. Ҳошимов Ў. Дунёнинг ишлари. – Тошкент: Янги аср авлоди, 2015.
10. Banguoğlu T. Türkçenin Grameri. – Ankara: TDK Yayınları, 2007.
11. Baydemir H. ve Yuldashev M. ve Özkaya Y. 2018. Bağımsızlık Dönemi Özbek Edebiyatı (Şiir, Hikâye, Roman, Piyes). Bengü Yayınları. Ankara.
12. Buran A. ve Alkaya E. 2014. *Çağdaş Türk Lehçeleri*. Akçağ Yayınları. Ankara.
13. Efendioğlu S. ve İşcan A. 2010. “Türkçe Ses Bilgisi Öğretiminde Ses Olaylarının Sınıflandırılması”. Atatürk Üniversitesi Türkiyat Araştırmaları Enstitüsü Dergisi, 43, 121-143.
14. Günay D. 2003. Metin Bilgisi. Multilingual Yabancı Dil Yayınları. İstanbul.
15. Öztürk R. 2005. Özbek Türkçesi El Kitabı. Çizgi Kitabevi. Konya.